



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-3006-24/21

Sarajevo, 19.04.2021. godina

SKUPŠTINA KANTONA SARAJEVO
-Skupštinske službe-

PREDMET : Odgovor na zastupničku inicijativu – dostavlja se

Zastupnica **Bilsena Šahman** u skladu sa članom 106. Poslovnika Skupštine Kantona Sarajevo (“Službene novine Kantona Sarajevo”- broj 41/12 - Drugi novi prečišćeni tekst, broj: 15/13,47/13,47/15,48/16,9/20 i 14/20), dana 18.03.2021.godine, uputila zastupničku inicijativu; “Pozivam Zavod za javno zdravstvo da hitno donese i javno objavi redosljed vakcinacije (prioritetne grupe i td.) otvori “e adresu” – za prijavu građana koji žele da se vakcinišu, educiraju stanovništvo putem medija o koristi vakcinacija, oformi punktove i timove za vakcinaciju (ukoliko su to uradili da obavijeste javnost i bar malo umire s pravom uplašene sugrađane”).

U vezi sa pokrenutom zastupničkom inicijativom dostavljamo slijedeći:

ODGOVOR

Ministarstvo zdravstva Kantona Sarajevo je dana 23.03.2021.godine predmetnu inicijativu dostavilo JU Zavod za javno zdravstvo Kantona Sarajevo, te zatražilo odgovor na istu. Shodno navedenom, Zavod je dostavio odgovor akt broj: 01.4-2068-1/21 od 07.04.2021 godine, koji dostavljamo u prilogu akta.

Dostaviti:

- naslovu
- a/a
- CO: sekretar Vlade KS



MINISTAR

Prof. dr. Haris Vranić //



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1





Broj: 01-4-2068-1\21
Sarajevo, 07.04.2020. godine.

MINISTARSTVO ZDRVSTVA KANTONA SARAJEVA

Ul. Reisa Džemaludina Čauševića 1
Kabinet ministra zdravstva
n/r Ministra zdravstva
Prof.dr Haris Vranić

Bosna i Hercegovina
Federacija Bosne i Hercegovine
KANTON SARAJEVO

| | | | |
|----------------------|--------------|------------|-------------|
| PRIMLJENO 12-04-2021 | | | |
| Organizacija | Broj prijave | Redni broj | Broj pedoga |
| 10 | 04 | 17613 | |

PREDMET: Odgovor na zastupničku inicijativu zastupnice Bilsene Šahman


Poštovani,

Pravilnikom o dopunama pravilnika o načinu provođenja obavezne imunizacije, imunoprofilakse i hemoprofilakse protiv zaraznih bolesti te o osobama koje se podvrgavaju toj obavezi, Sl. Novine FBiH br 12/21, u članu 61 b. u stavu 1) se navodi da: „Imunizaciju protiv bolesti COVID-19, za koju je proglašeno stanje epidemije i kao ugroženo područje određen cijeli teritorij FBiH, planiraju i koordiniraju zavodi za javno zdravstvo u FBiH, a provode zdravstvene ustanove, u skladu sa Planom imunizacije protiv COVID-19 u FBiH, koji prihvata Vlada Federacije Bosne i Hercegovine, na prijedlog federalnog ministra zdravstva, uz stručno mišljenje Federalnog zavoda, a u stavu 3) se navodi: Planove imunizacije protiv COVID-19 donose zavodi za javno zdravstvo kantona i zdravstvene ustanove, a u skladu sa Planom imunizacije iz stava (1) ovog člana.“

U članu 61a) (Imunizacija protiv COVID_19 u uvjetima proglašene epidemije) se navodi: „Prema medicinskim i epidemiološkom indikacijama imunizacija odgovarajućom vakcinom protiv bolesti COVID-19, pridržavajući se uputa proizvođača, se preporučuje kod:

- Zdravstvenih radnika i pomoćnog osoblja koje rade u zdravstvenim ustanovama, naročito onima koji rade na odjelima koji brinu za pacijente sa visokim rizikom za komplikacije, medicinskom osoblju i njegovateljima u ustanovama za smještaj starijih osoba.
- Osoba u ustanovama za smještaj starijih osoba;
- Osoba starijih od 60;
- Osoba (dob prema uputama proizvođača) sa hroničnim bolestima, respiratornog i kardiovaskularnog sistema, hroničnim bolestima bubrega i jetre, dijabetesom, hroničnim neurološkim bolestima i različitim tipovima imunosupresije, asplenijom ili disfunkcijom slezene, morbidno pretilih;
- Osoba zaposlenih u javnim službama od značaja za odgovor na epidemiju COVID-19 (policija, obrazovanje...)

Shodno sadašnjoj inicijativi uvažene zastupnice naglašavamo da JU ZZJKS uredno obavlja sve svoje djelatnosti i odmah je izradio Plan vakcinacije protiv COVID-19 oboljenja u KS u skladu sa Planom imunizacije protiv COVID-19 u FBiH i dostavio ga Ministarstvu zdravstva KS. U njemu se navode prioritete grupe za vakcinaciju.



Adresa: dr. Mustafe Pintola br.1, 71210 Ilidža
Tel/fax: 627-889; 622-227
web: <http://www.zzjzks.ba>
e-mail: gzavod@bih.net.ba



U prvoj fazi će prioritet biti vakcinacija zdravstvenih radnika i pomoćnog osoblja koji rade u zdravstvenim ustanovama, naročito onima koji rade na odjelima koji brinu za pacijente s visokim rizikom za komplikacije; medicinskom osoblju i njegovateljima u ustanovama za smještaj starih osoba, osoba u ustanovama za smještaj starih osoba, osoba starijih od 60 godina (član 61a pomenutog Pravilnika). Napominjemo da se u januaru 2021. godine oko 7.000 uposlenika zdravstvenih ustanova za pružanje primarne, sekundarne i tercijarne zdravstvene zaštite u KS izjasnilo da se želi vakcinisati bilo kojom vakcinom (oko 60-70% ukupnog broja u tom momentu izjašnjavanja, a sada u martu i aprilu 2021. je taj procenat još i veći i ide ka 100%). Prema procjenama u KS ukupan broj korisnika i uposlenika ustanova za smještaj starih osoba iznosi oko 2.200.

Zavod zdravstvenog osiguranja KS je uspostavio on-line prijavu za građane KS koji se žele vakcinisati, kako sa zdravstvenim osiguranjem tako i za građane KS bez zdravstvenog osiguranja. Sve što se tiče elektronske evidencije i prijave vakcinisanih osoba je pod okriljem ZZOKS.

JU ZZJKS, je prema Pravilniku o imunizacijama, dužan da izvještava o potrošnji vakcina protiv COVID-19 i provođenju imunizacije ZZJFBIH, na sedmičnom nivou, federalnom zavoda za javno zdravstvo.

Operativni timovi za imunizaciju, pri svim zdravstvenim ustanovama u KS, kao i brojni vakcinalni timovi za svaku od tih ZU su formirani i imenovani Odlukama menadžmenta zdravstvenih ustanova KS još u januaru, te dostavljeni u JU ZZJKS. Stručno osoblje JU ZZJKS je odmah nakon toga izvršilo edukaciju o vakcinaciji protiv COVID-19 oboljenja svih imenovanih operativnih i vakcinalnih timova zdravstvenih ustanova, koji su se onda međusobno educirali uz edukativne materijale koji su im dostavljeni (edukativni materijali od FZZJZ i WHO).

U JU ZZJKS su pripremljeni i svi neophodni edukativni materijali za građanstvo za promociju imunizacije protiv COVID-19 u vidu letaka, pamfleta, pitanja i odgovora za imunizaciju protiv COVID-19, postera iz FZZJZ. Sav materijal je postavljen na web str JU ZZJKS. Epidemiolozi vrše promociju i davanjem pravih informacija o vakcinama tj odgovorima novinara na portalima, emailovima, TV emisijama, davanjem izjava medijima, objavama u časopisima, građanima na telefonske pozive.

Ministar zdravstva Prof dr Haris Vranić je 12.02.2021. imenovao radnu grupu za koordinaciju svih aktivnosti u realizaciji vakcinacije protiv COVID-19 u KS koja je pripremila materijale za organizaciju imunizacije u KS.

U Planu vakcinacije za KS koji je dostavljen MZKS su predstavljena tri scenarija vakcinacije, od kojih je jedan scenario tzv. „masovna imunizacija“ u Olimpijskoj dvorani Juan Antonio Samaranch „Zetra“. Pripremljena su neophodna materijalno-tehnička sredstva kao i neophodan broj medicinskog osoblja za potrebne vakcinalne timove. Sve nabrojano je dostavljeno u Ministarstvo zdravstva KS na uvid ministru i na postupanje.

S poštovanjem,

Izradila:

dr Anisa Bajramović, spec.epidemiologije

Dostaviti:

- Naslovu;
- Arhivi RJ01

DIREKTOR

Prof. dr. med. sci. Aida P